

AOSTE

Le vatse perdon pa lo nord

Pa maroun-e le vatse ! Selòun la retsertse de sertèn savèn alle-màn, le vatse tsertserian todzor lo nord magnéteucco. Pe arrevi a seutta conclujón, le tsertseur de l'Universitoù de *Duisberg-Essen* l'an analizà de meulle é de meulle fotografie satellitére prèize de *Google Earth*.

L'orientachón de 8510 vatse si 308 poste lèiche pa de doute : le vatse, comme le-z-aveuille, le termite, le rattevoladzo é le-z-èijì migrateur, eumplèyon lo camp magnéteucco pe s'orienti.

Seutta conclujón sarie pa tan stravaganta : pe se rendre coun-tcho di magnétizmo de la téra, baste possèi dispozi d'eunna seumpla sellula que l'a dedeun de tsèine de pégne calamitte que fan arrevi l'eunformachón i servì é la pi par di bitche supérieure l'an totte salle sellule. Le tsertseur l'an fé le mime osservachón si 2974 serf de la Repebleucca tchèque. Queun profi sise grou mamifère terierian-ti de seutta capasitoù de pa pédre lo nord ? L'is-touére no lo di pa !



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

www.cybersciences.com

Texte publié en 2009 dans « Aosta Informa », commune de Aoste

Collaborateur de Aoste pour la traduction : **Iris Morandi**

La transcription a été soignée par le Guichet Linguistique

Mise à jour de la graphie : octobre 2013